

Nwa wù Bol gè san fε **Filemu** **le** **Fiε fi le a Nwa wu Filemu wunε** **le**

Filemu gè bee muh wu Kletu, tanlo wu nyume muh wu a kintaashε ki bamii ba mbεmε ki Koloshian le. Wu gè kεme nfwā we ba tεje le Onisimu. Nfwā wuyu gè ja wu legε wu gεεη wu bu fε Bol le fε yeh yi ncha le. Bol kuse Onisimu wu mo wu tu muh wu Kletu.

Nwa wunε, le Bol wu gè san fε Filemu le, ki wu legε le wu kâase wu jô Onisimu wu lene wu le no wu gè shee wu lene. Bol mo wu chiinjε Onisimu fε wu le wu legε le wu lêeshε fiε fi wu gè ge, wu fi wa wu nje mwa bwee yi Kletu le.

Bikwεε bi mwεε mù le a Nwa wunε le

1-3 Fεηkεε

4-7 Bol bεεηsε Filemu

8-22 Bol legε le Filemu fi Onisimu

23-25 N'yεε wù fekimeεε

¹ Le mε wù Bol, nle yeh yi ncha le nje nle muh wu Kletu Jiso. Le besa mwa bwee wese besabεη wù Timoti. Nsaje ηwa wunε fε wo le Filemu wù nsaa yese yi shén wù besa bo lene yi fiεε le fimimia.

² Nsaje tε fε Afia wù jεme yese besebεη le, mo fε Alkibu wù besa bo juu yi fiεε le fimimia nje bamii ba jεη, mo fε kintaashε ki bamii ba mbεmε kî taashi a wo yeh le.

³ Nyo wù Chiji wese besabɛɲ bɛ Tada Jiso Kletu dũnyɛ kɪŋkɔŋɛ fɛ bɛɲ le wu ka wu nyâ bɛɲ bɛ kimbonɛ.

Bol nya kiyone Nyo le nje Filemu

⁴ Filemu, segechii mbuune ŋkwajɛ wo, nnyaa gɛh nyu kiyone Nyo wan le kune wo,

⁵ nje n'yuge no wo le wo leesɛ fitele yi Tada Jiso le, bɛ no wo kɔŋɛ bamii ba le ba Nyo bachii.

⁶ Mbuune ɛ no wo le wo leesɛ fitele yi Jiso le, bena bamii ba Nyo nyu yi kintaashɛ le, finɛ lé fi gê wo mɛsɛ wo kêɛ mwɛɛ mù njoŋɛ munchii mù le mwesa besabɛɲ ba le yi kintaashɛ le bɛ Kletu.

⁷ Mwa bwɛɛɲ, kfuu chi kɪŋkɔŋɛ kɪ wo dunyi le ki ge n'yuge njoŋ baan, fitele fian yufe nje wo gee muntele mu bamii ba Nyo jiɛɛ.

Bol lɛgɛ Filemu kune Onisimu

⁸ Fiɛɛ fimi mo fi nyu yu fi ŋgoone ɛ wo gê, tanlo ndu lo bɛ bvũga bvù ŋkɛme nje muh wu Kletu ɛ wo gê.

⁹ Geenɛ, nje kɪŋkɔŋɛ, ŋkude lo chiaaŋ wo le. Mɛ wù Bol nle wa ŋgamu, ŋka nyume yeh yi ncha le mɛɛsɛ nje nle muh wu Kletu Jiso.

¹⁰ Ŋkude chiaaŋ wo le kune mwa yaŋ wù Onisimu. Ngè njo wu mwa yaŋ le yi mbɛmɛ le mɛ nyume yeh yi ncha le fɛnɛ.

¹¹ Fweele gè bee wu nyume fiɛɛ fi achiji fɛ wo le. Mɛɛsɛ wu le wa muh fɛ besa wo le bachii.

¹² Nlé nchvùu wu jin fɛ wo le mɛɛsɛ, wu le fitele fian.

¹³ Ŋkɔŋɛ ɛ tanlo ŋgɛɛ wu mbebe yaŋ le wu jiinɛ fɛ mɛnɛ fɛ kijusɛ kuŋ le, no nle yeh yi ncha le fɛnɛ nje saaka wù joŋɛ kune Jiso.

14 Geene, nle n'yeŋ le ge tanlo nge fiεε nje fiεε wo kee ge fo ge, nje ge ŋkoŋe le leme chun chī joŋe chī wo gee fe mēne nyūme nje ŋkaane lo wo ge. Ŋkoŋe le fi nyūme no fitele fiuŋ le fi beŋ.

15 Segemu Onisimu gè ja a wo jii geh yi kife le ne shige, le wu doo wu tu jin, bena wu mo beŋ nyūme wa kimaga,

16 wu ka nyūme ge nfwā ge, wu fēde wa nfwā. Wu le wa mwa bwoo wu shēŋ yi Kletu le, wu nyume te muh wu shan fe mēne nje fe wo le, no wu le muh wu wuŋ wu ka nyume muh wu Tada.

17 Noo, ne wo fēne le wo yeŋ le besa wo le yi fiεε le fimimia, wo fi wu no be bee te me wo fi.

18 Ne le le wu le wu jiaa fiεε fe wo le, kēne le, wu kēme fioo bena wu, wo gēe a jee chan le.

19 Nsaŋe fiεε nyume be kibo kan le, “Mε wū Bol nlē ngē nlāŋe.” Njeme ne ŋkoŋe ge le nshe nteede lo le, wo te kēme fioo besa wo ge, nje kinche kī wo kēme mēese le nje mε.

20 Noo, mwa bwēŋ, fi geh me yi saaka wunε le nje besa wo le yi Tada le. Gēe noo nje kintaashε ki besa wo le yi Kletu le, ye joŋ mε.

21 Nsaŋe fe wo le ne, ŋkee chuule maŋe ge le wo lé wo bēŋ ki wo gē fiεε fi njeme, wo doo wo gee, wo ge wo fese lo.

22 Ki ŋka ntaa fo, sēese kijuse ki nche mēne, nje njiiŋe fwe ŋkee le Nyo lé wu yū buunε chena wu chīiŋse mε fe beŋ le.

N'yεε

23 Ebafla wū besa wu le yeh yi ncha le fēne nje saaka wū joŋe kune Kletu Jiso, yeese wo le.

²⁴ Maliku, Alistaku, Dεma mo Luka ba besa bo
lene yi kintaashε le, bo yεεse tε wo le.

²⁵ Kιηkoηε ki Tada wese besabeη wu Jiso Kletu
nyûme fε biyo biεna le. Fi nyûme noo.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 16 May 2025 from source files dated 16 May 2025

5108ebb0-51ad-5d6b-94ef-93cc302ed337